



SLUŽBENI GLASNIK

UNSKO-SANSKOG KANTONA

Godina XI - Broj 18	15. novembra 2007. BIHAĆ	Izdanje na bosanskom jeziku
---------------------	-----------------------------	--------------------------------

382.

Na osnovu člana V A 2. 11. o) Ustava Unsko-sanskog kantona – prečišćeni tekst ("Službeni glasnik Unsko-sanskog kantona", broj 1/04 i 11/04), a u vezi sa članom 46. Zakona o osnovnom i općem srednjem odgoju i obrazovanju ("Službeni glasnik Unsko-sanskog kantona", broj 5/04), na 12. sjednici, Skupština Unsko-sanskog kantona donosi

ODLUKU

I

Daje se saglasnost na Elaborat o društveno-ekonomskoj opravdanosti osnivanja opće gimnazije u sastavu Katoličkog školskog centra - škole za Europu u Bihaću.

II

Ova Odluka stupa na snagu narednog dana od dana objavljivanja u "Službenom glasniku Unsko-sanskog kantona".

Broj 01-02-3-114/07
6. novembra 2007. godine
B i h a ć

Predsjedavajući Skupštine
Unsko-sanskog kantona
Admir Hadžipašić, dipl. prav.

383.

Na osnovu člana V A 2. 11. o) Ustava Unsko-sanskog kantona – prečišćeni tekst (" Službeni glasnik Unsko-sanskog kantona", broj 1/04 i 11/04), a u vezi sa članom 46. Zakona o osnovnom i općem srednjem odgoju i obrazovanju ("Službeni glasnik Unsko-sanskog kantona", broj 5/04), na 12. sjednici, Skupština Unsko-sanskog kantona donosi

ODLUKU

I

Daje se saglasnost na Elaborat o društveno-ekonomskoj opravdanosti osnivanja osnovne škole u sastavu Katoličkog školskog centra - škole za Europu u Bihaću.

II

Ova Odluka stupa na snagu narednog dana od dana objavljivanja u "Službenom glasniku Unsko-sanskog kantona".

Broj 01-02-3-115/07
6. novembra 2007. godine
B i h a ć

Predsjedavajući Skupštine
Unsko-sanskog kantona
Admir Hadžipašić, dipl. prav.

384.

Na osnovu člana 95. Poslovnika Skupštine Unsko-Sanskog Kantona ("Službeni glasnik Unsko-sanskog kantona", broj 5/04), Skupština Unsko-sanskog kantona, na 12. sjednici održanoj 6.11.2007. godine, donijela je slijedeći

ZAKLJUČAK**I**

Prihvata se Izvještaj o stanju bezbjednosti na području Unsko-sanskog kantona za period januar – juni 2007. godine sa prijedlogom mjera koje su koncipirane u cilju poboljšanja rada u ukupnim aktivnostima policije za budući vremenski period.

II

Posebno se zaključuje:

- Obavezuje se Ministarstvo unutrašnjih poslova Unsko-sanskog kantona da do nacрта budžeta Unsko-sanskog kantona za 2008. godinu pripremi kratkoročni i dugoročni program mjera potrebne opremljenosti materijalno - tehničkim sredstvima;
- Zadužuje se Vlada Unsko-sanskog kantona da zatraži neophodnu materijalnu podršku od Federalnog ministarstva unutrašnjih poslova u cilju poboljšanja kvaliteta rada Ministarstva unutrašnjih poslova Unsko-sanskog kantona;
- Predlaže se Vladi Unsko-sanskog kantona da se obrati Vladi FBiH u cilju produženja roka važenja Zakona o amnestiji za nedopušteno držanje minsko - eksplozivnih sredstava i oružja ("Službene novine FBiH", broj 55/06 od 20.9.2006. godine), jer je još uvijek evidentan velik broj ilegalnog posjedovanja istih kod stanovništva.

III

Ovaj Zaključak objavit će se u "Službenom glasniku Unsko-sanskog kantona".

Broj 01-02-4-116/07 Predsjedavajući Skupštine
6. novembra 2007. godine Unsko-sanskog kantona
B i h a ć **Admir Hadžipašić**, dipl. prav.

385.

Na osnovu člana 95. Poslovnika Skupštine Unsko-Sanskog Kantona ("Službeni glasnik Unsko-sanskog kantona", broj 5/04), Skupština Unsko-sanskog kantona, na 12. sjednici održanoj 6.11.2007. godine, donijela je slijedeći

ZAKLJUČAK**I**

Usvaja se Program rada Zdravstvene ustanove Zavod za javno zdravstvo za 2007. godinu.

II

Ovaj Zaključak objavit će se u "Službenom glasniku Unsko-sanskog kantona".

Broj 01-02-4-111/07 Predsjedavajući Skupštine
6. novembra 2007. godine Unsko-sanskog kantona
B i h a ć **Admir Hadžipašić**, dipl. prav.

386.

Na osnovu člana 95. Poslovnika Skupštine Unsko-Sanskog Kantona ("Službeni glasnik Unsko-sanskog kantona", broj 5/04), Skupština Unsko-sanskog kantona, na 12. sjednici održanoj 6.11.2007. godine, donijela je slijedeći

ZAKLJUČAK**I**

Usvaja se Izvještaj o radu Javne ustanove Socijalno-pedagoška životna zajednica u 2006. godini.

II

Ovaj Zaključak objavit će se u "Službenom glasniku Unsko-sanskog kantona".

Broj 01-02-4-109/07 Predsjedavajući Skupštine
6. novembra 2007. godine Unsko-sanskog kantona
B i h a ć **Admir Hadžipašić**, dipl. prav.

387.

Na osnovu člana 95. Poslovnika Skupštine Unsko-Sanskog Kantona ("Službeni glasnik Unsko-sanskog kantona", broj 5/04), Skupština Unsko-sanskog kantona, na 12. sjednici održanoj 6.11.2007. godine, donijela je slijedeći

ZAKLJUČAK**I**

Usvaja se Program rada Javne ustanove Socijalno-pedagoška životna zajednica za 2007. godinu.

II

Ovaj Zaključak objavit će se u "Službenom glasniku Unsko-sanskog kantona".

Broj 01-02-4-110/07 Predsjedavajući Skupštine
6. novembra 2007. godine Unsko-sanskog kantona
Bihać **Admir Hadžipašić**, dipl. prav.

388.

Na osnovu članova 17. i 19. stav 1. Zakona o Vladi Unsko-sanskog kantona ("Službeni list Unsko-sanskog kantona", broj 2/97 i "Službeni glasnik Unsko-sanskog kantona", broj 3/00, 5/00, 3/03 i 20/04), a u vezi sa članom 64. Zakona o unutrašnjim poslovima Unsko-sanskog kantona ("Službeni glasnik Unsko-sanskog kantona", broj 1/97, 1/02, 6/02 i 8/02), na prijedlog Kantonalnog ministarstva unutrašnjih poslova Bihać, Vlada Unsko-sanskog kantona, na svojoj sjednici održanoj dana 2. 11. 2007. godine, donijela je

UREDBU**O DOPUNAMA UREDBE O JAVNOM ŽALBENOM BIROU****Član 1.**

U Uredbi o Javnom žalbenom birou ("Službeni glasnik USK-a", broj 9/02) (u daljem tekstu: Uredba) iza člana 13. dodaju se novi članovi 14. i 15. koji glase:

”Član 14.

Kantonalni ministar unutrašnjih poslova posebnim rješenjem određuje osobu iz reda uposlenih u Kantonalnom ministarstvu unutrašnjih poslova koja će obavljati stručne i administrativno-tehničke poslove za potrebe Javnog žalbenog biroa.

Član 15.

Predsjednik, članovi Javnog žalbenog biroa i osoba koja za potrebe Javnog žalbenog biroa obavlja stručne i administrativno-tehničke poslove ostvaruju za svoj rad mjesečnu naknadu.

Naknada iz prethodnog stava za članove Javnog žalbenog biroa utvrđuje se u visini do 50% prosječne isplaćene neto plaće u vanprivredi FBiH prema podacima Federalnog zavoda za statistiku objavljenim u "Službenim novinama FBiH" na dan 31.12. prethodne godine u odnosu na godinu u kojoj se vrši isplata.

Predsjedniku Javnog žalbenog biroa naknada iz stava prvog ovog člana utvrđuje se u visini do 60% na način utvrđen prethodnim stavom.

Osobi koja obavlja stručne i administrativno-tehničke poslove za potrebe Javnog žalbenog biroa naknada iz stava prvog ovog člana ove Odluke utvrđuje se u visini do 25% na način utvrđen stavom 2. ovog člana.

Kantonalni ministar unutrašnjih poslova posebnim rješenjima utvrđuje iznose naknade utvrđene prethodnim stavovima.

Sredstva neophodna za realizaciju odredbe iz ovog člana obezbijedit će Kantonalno ministarstvo unutrašnjih poslova iz vlastitih budžetskih sredstava, ekonomski kod 613900 – ugovorene usluge."

Član 2.

Dosadašnji član 14. postaje član 16. Uredbe.

Član 3.

Ova Uredba stupa na snagu danom objavljivanja u "Službenom glasniku Unsko-sanskog kantona", a primjenjivat će se od 1.1.2007. godine.

Broj 03-017-260/2007
2. novembra 2007. godine
Bihać

Premijer Kantona
Šemsudin Dedić

389

Na osnovu člana 17. Zakona o Vladi Unsko-sanskog kantona ("Službeni list Unsko-sanskog kantona", broj 2/97, "Službeni glasnik Unsko-sanskog kantona", broj 3/2000, 5/2000, 3/2003 i 20/2004), a u vezi sa članom 9. stav 3. Zakona o izvršavanju Budžeta Unsko-sanskog kantona za 2007. godinu ("Službeni glasnik Unsko-sanskog kantona", broj 6/07), na prijedlog Kantonalnog ministarstva finansija, Vlada Unsko-sanskog kantona, na sjednici održanoj dana 2. 11. 2007. godine, donosi

ODLUKU**O RASPOREDU DONACIJE
NEPLANIRANE BUDŽETOM
ZA 2007. GODINU****I**

Odobrava se povećanje sredstava na ekonomskom kodu:

- **615200 – Kapitalni grantovi pojedincima u iznosu od330.000,00 KM (tri stotine trideset konvertibilnih maraka)**

394.

Na osnovu člana 17. Zakona o Vladi Unsko-sanskog kantona ("Službeni list Unsko-sanskog kantona", broj 2/97, "Službeni glasnik Unsko-sanskog kantona", broj 3/2000, 5/2000, 3/2003 i 20/2004), a u vezi sa članom 89. Zakona o Univerzitetu u Bihaću ("Službeni glasnik Unsko-sanskog kantona", broj 8/98), na prijedlog Kantonalnog ministarstva obrazovanja, nauke, kulture i sporta, Vlada Unsko-sanskog kantona, na sjednici održanoj dana 2. 11. 2007. godine, donosi

ODLUKU**I**

Daje se saglasnost na Odluku Upravnog odbora JU Tehnički fakultet Univerziteta u Bihaću broj 03-04 od 1. 10. 2007. godine da se za dekana JU Tehnički fakultet imenuje prof. dr. Isak Karabegović.

II

Odluka stupa na snagu danom donošenja i objavit će se u "Službenom glasniku Unsko-sanskog kantona".

Broj 03-017-266/2007
2. novembra 2007. godine
Bihać

Premijer Kantona
Šemsudin Dedić

395.

Na osnovu člana 17. Zakona o Vladi Unsko-sanskog kantona ("Službeni list Unsko-sanskog kantona", broj 2/97, "Službeni glasnik Unsko-sanskog kantona", broj 3/2000, 5/2000, 3/2003 i 20/2004), a u vezi sa članom 43. Poslovnika o radu Vlade Unsko-sanskog kantona ("Službeni list Unsko-sanskog kantona", broj 4/97), Vlada Unsko-sanskog kantona, na sjednici održanoj dana 2.11.2007. godine, donosi

RJEŠENJE**O IMENOVANJU STRUČNOG TIMA****I**

Imenuje se Stručni tim u sastavu:

1. Izet Odošević, predsjednik
2. Nermin Pračić, član
3. Esmir Brković, član
4. Zulejha Duraković, član
5. Aida Blažević, član

II

Zadatak Stručnog tima iz tačke I ovog Rješenja je da pripremi tekst Nacrta Zakona o inspekcijama Unsko-sanskog kantona, s posebnim akcentom na utvrđivanje organizacije, djelokruga, kao i prava, dužnosti i odgovornosti kantonalnih inspekcija, te isti predloži, po prethodno pribavljenom mišljenju Komisije za zakonodavstvo, Vladi Unsko-sanskog kantona na razmatranje.

III

Ovo Rješenje stupa na snagu danom donošenja i objavit će se u "Službenom glasniku Unsko-sanskog kantona".

Broj 03-017-277/2007
2. novembra 2007. godine
Bihać

Premijer Kantona
Šemsudin Dedić

396.

Na osnovu člana 17. Zakona o Vladi Unsko-sanskog kantona ("Službeni list Unsko-sanskog kantona", broj 2/97, "Službeni glasnik Unsko-sanskog kantona", broj 3/2000, 5/2000, 3/2003 i 20/2004), a u vezi sa članom 43. Poslovnika o radu Vlade Unsko-sanskog kantona ("Službeni list Unsko-sanskog kantona", broj 4/97), Vlada Unsko-sanskog kantona, na sjednici održanoj dana 2.11.2007. godine, donosi

RJEŠENJE**O IMENOVANJU STRUČNOG TIMA****I**

Imenuje se Stručni tim u sastavu:

1. Salih Bibanović, Kantonalno ministarstvo poljoprivrede, vodoprivrede i šumarstva, predsjednik
2. Kemal Hamedović, Kantonalno ministarstvo privrede, član
3. Himzo Ezić, kantonalni pravobranilac, član
4. Semira Čejvan, Kantonalno ministarstvo za građenje, prostorno uređenje i zaštitu okoline, član
5. Vahid Ćoralović, Kantonalno ministarstvo pravde, član

II

Zadatak Stručnog tima iz tačke I ovog Rješenja je da pripremi tekst Nacrta Zakona o upravljanju državnom imovinom na Unsko-sanskom kantonu, te isti, po prethodno pribavljenom mišljenju Komisije za zakonodavstvo, uputi Vladi Unsko-sanskog kantona na razmatranje.

predviđenom Zakonom o ministarskim, vladinim i drugim imenovanjima u Federaciji Bosne i Hercegovine, a najviše na period do 60 dana, za članove privremenog Upravnog odbora imenuju se:

1. Timka Ćoralić, predsjednik
2. Senada Kauković, član
3. Selma Rošić, član
4. Safet Bašagić, član
5. Sanela Šepić, član

II

Ovo Rješenje stupa na snagu danom donošenja i objavit će se u "Službenom glasniku Unsko-sanskog kantona".

Broj 03-017-284/2007
2. novembra 2007. godine
B i h a ć

Premijer Kantona
Šemsudin Dedić

402.

Na osnovu člana 17. Zakona o Vladi Unsko-sanskog kantona ("Službeni list Unsko-sanskog kantona", broj 2/97, "Službeni glasnik Unsko-sanskog kantona", broj 3/2000, 5/2000, 3/2003 i 20/2004), a u vezi sa članom 14. Zakona o predškolstvu ("Službeni glasnik Unsko-sanskog kantona", broj 3/97), te člana 4. tačka 2. Zakona o ministarskim, vladinim i drugim imenovanjima u Federaciji Bosne i Hercegovine ("Službene novine Federacije Bosne i Hercegovine", broj 12/2003), na prijedlog Kantonalnog ministarstva obrazovanja, nauke, kulture i sporta, Vlada Unsko-sanskog kantona, na sjednici održanoj dana 2.11.2007. godine, donosi

RJEŠENJE

O IMENOVANJU PRIVREMENOG UPRAVNOG ODBORA JU DJEČIJI VRTIĆ BOSANSKI PETROVAC

I

Do okončanja postupka izbora i imenovanja članova Upravnog odbora JU Dječiji vrtić Bosanski Petrovac, na način i po postupku predviđenom Zakonom o ministarskim, vladinim i drugim imenovanjima u Federaciji Bosne i Hercegovine, a najviše na period do 60 dana, za članove privremenog Upravnog odbora imenuju se:

1. Osman Šahinović, predsjednik
2. Merima Nadarević, član
3. Vesna Ferizović, član

4. Emil Salihagić, član

5. Sanela Hidić, član

II

Ovo Rješenje stupa na snagu danom donošenja i objavit će se u "Službenom glasniku Unsko-sanskog kantona".

Broj 03-017-283/2007
2. novembra 2007. godine
B i h a ć

Premijer Kantona
Šemsudin Dedić

403.

Na osnovu člana 17. Zakona o Vladi Unsko-sanskog kantona ("Službeni list Unsko-sanskog kantona", broj 2/97, "Službeni glasnik Unsko-sanskog kantona", broj 3/2000, 5/2000, 3/2003 i 20/2004), a u vezi sa članom 14. Zakona o predškolstvu ("Službeni glasnik Unsko-sanskog kantona", broj 3/97), te člana 4. tačka 2. Zakona o ministarskim, vladinim i drugim imenovanjima u Federaciji Bosne i Hercegovine ("Službene novine Federacije Bosne i Hercegovine", broj 12/2003), na prijedlog Kantonalnog ministarstva obrazovanja, nauke, kulture i sporta, Vlada Unsko-sanskog kantona, na sjednici održanoj dana 2.11.2007. godine, donosi

RJEŠENJE

O IMENOVANJU PRIVREMENOG UPRAVNOG ODBORA JU DJEČIJI VRTIĆ "KRAJIŠKA RADOST" SANSKI MOST

I

Do okončanja postupka izbora i imenovanja članova Upravnog odbora JU Dječiji vrtić "Krajiška radost" Sanski Most, na način i po postupku predviđenom Zakonom o ministarskim, vladinim i drugim imenovanjima u Federaciji Bosne i Hercegovine, a najviše na period do 60 dana, za članove privremenog Upravnog odbora imenuju se:

1. Mediha Jakupović, predsjednik
2. Samir Hadžić, član
3. Elvira Serdarević, član
4. Baisa Talić, član
5. Samila Halimović, član

II

Ovo Rješenje stupa na snagu danom donošenja i objavit će se u "Službenom glasniku Unsko-sanskog kantona".

Broj 03-017-282/2007
2. novembra 2007. godine
B i h a ć

Premijer Kantona
Šemsudin Dedić

404.

Na osnovu člana 17. Zakona o Vladi Unsko-sanskog kantona ("Službeni list Unsko-sanskog kantona", broj 2/97, "Službeni glasnik Unsko-sanskog kantona", broj 3/2000, 5/2000, 3/2003 i 20/2004), a u vezi sa članom 14. Zakona o predškolsstvu ("Službeni glasnik Unsko-sanskog kantona", broj 3/97) te člana 4. tačka 2. Zakona o ministarskim, vladinim i drugim imenovanjima u Federaciji Bosne i Hercegovine ("Službene novine Federacije Bosne i Hercegovine", broj 12/2003), na prijedlog Kantonalnog ministarstva obrazovanja, nauke, kulture i sporta, Vlada Unsko-sanskog kantona, na sjednici održanoj dana 2.11.2007. godine, donosi

RJEŠENJE**O IMENOVANJU PRIVREMENOG UPRAVNOG ODBORA JU DJEČIJI VRTIĆ VELIKA KLADUŠA****I**

Do okončanja postupka izbora i imenovanja članova Upravnog odbora JU Dječiji vrtić Velika Kladaša, na način i po postupku predviđenom Zakonom o ministarskim, vladinim i drugim imenovanjima u Federaciji Bosne i Hercegovine, a najviše na period do 60 dana, za članove privremenog Upravnog odbora imenuju se:

1. Mensur Samardžić, predsjednik
2. Edina Murgić, član
3. Asmira Jašić, član
4. Hamid Šahinović, član
5. Sanja Silić, član

II

Ovo Rješenje stupa na snagu danom donošenja i objavit će se u "Službenom glasniku Unsko-sanskog kantona".

Broj 03-017-281/2007
2. novembra 2007. godine
B i h a ć

Premijer Kantona
Šemsudin Dedić

405.

Na osnovu člana 17. Zakona o Vladi Unsko-sanskog kantona ("Službeni list Unsko-sanskog kantona", broj 2/97, "Službeni glasnik Unsko-sanskog kantona", broj 3/2000, 5/2000, 3/2003 i 20/2004), a u vezi sa članom 14. Zakona o predškolsstvu ("Službeni glasnik Unsko-sanskog kantona", broj 3/97) te člana 4. tačka 2. Zakona o ministarskim, vladinim i drugim imenovanjima u Federaciji Bosne i Hercegovine ("Službene novine Federacije Bosne i Hercegovine", broj: 12/2003), na prijedlog Kantonalnog ministarstva obrazovanja, nauke, kulture i sporta, Vlada Unsko-sanskog kantona, na sjednici održanoj dana 2.11.2007. godine, donosi

RJEŠENJE**O IMENOVANJU PRIVREMENOG UPRAVNOG ODBORA JU DJEČIJI VRTIĆ BIHAĆ****I**

Do okončanja postupka izbora i imenovanja članova Upravnog odbora JU Dječiji vrtić Bihać, na način i po postupku predviđenom Zakonom o ministarskim, vladinim i drugim imenovanjima u Federaciji Bosne i Hercegovine, a najviše na period do 60 dana, za članove privremenog Upravnog odbora imenuju se:

1. Asim Kozlica, predsjednik
2. Ismeta Dedić, član
3. Samira Zahirović, član
4. Suada Selimović, član
5. Amela Hadžić, član

II

Ovo Rješenje stupa na snagu danom donošenja i objavit će se u "Službenom glasniku Unsko-sanskog kantona".

Broj 03-017-280/2007
2. novembra 2007. godine
B i h a ć

Premijer Kantona
Šemsudin Dedić

406.

Na osnovu člana 68. stav 2. i člana 85. stav 1. alineja 2. Zakona o zaštiti okoliša ("Službene novine Federacije BiH", broj 33/03), ministrica građenja, prostornog uređenja i zaštite okoline u Vladi Unsko-sanskog kantona donosi

**PRAVILNIK
O IZDAVANJU OKOLINSKE DOZVOLE
ZA POGONE I POSTROJENJA I DRUGE
PLANIRANE AKTIVNOSTI KOJE MOGU
ZNAČAJNO UTICATI NA OKOLIŠ**

I - OPĆE ODREDBE

Član 1.

Ovim pravilnikom utvđuju se:

- pogoni i postrojenja koji se namjeravaju graditi ili postojeći pogoni i postrojenja sa značajnim promjenama u radu za koje Ministarstvo za građenje, prostorno uređenje i zaštitu okoline Unsko-sanskog kantona (u daljnjem tekstu: Ministarstvo), obavezno provodi postupak izdavanja okolinske dozvole;
- pogoni i postrojenja i ostale planirane aktivnosti za koje se ne izdaje okolinska dozvola;
- način podnošenja zahtjeva za izdavanje okolinske dozvole;
- sadržaj dokumentacije koja se obavezno podnosi uz zahtjev za izdavanje okolinske dozvole;
- slučajevi u kojima se može tražiti dopuna dokumentacije koja se dostavlja uz zahtjev za izdavanje okolinske dozvole i
- druga pitanja koja se odnose na postupak izdavanja okolinske dozvole.

Član 2.

Ministarstvo izdaje okolinsku dozvolu za pogone i postrojenja za koje nije potrebna procjena uticaja na okoliš, za pogone i postrojenja ispod pragova utvrđenih Pravilnikom o pogonima i postrojenjima za koje je obavezna procjena uticaja na okoliš i pogonima i postrojenjima koji mogu biti izgrađeni i pušteni u rad samo ako imaju okolinsku dozvolu ("Službene novine Federacije BiH", broj 19/04) i za pogone i postrojenja koji nisu utvrđeni u navedenom pravilniku, ali su utvrđeni ovim pravilnikom.

Ovim pravilnikom obuhvaćene su i planirane aktivnosti u prostoru koje ne spadaju u pogone i postrojenja, a čije provođenje može dovesti do značajnog uticaja na okoliš.

Član 3.

Okolinska dozvola izdaje se i za uklanjanje i prestanak rada pogona i postrojenja, odnosno prestanak aktivnosti koje ne spadaju u pogone i postrojenja, a za koje je potrebno izdati okolinsku dozvolu sukladno ovom pravilniku.

**II - POGONI I POSTROJENJA I OSTALE
PLANIRANE AKTIVNOSTI ZA KOJE
SE IZDAJE OKOLINSKA DOZVOLA**

Član 4.

U skladu sa članom 2. ovog pravilnika, pogoni i postrojenja i ostale aktivnosti za koje se obavezno provodi postupak izdavanja okolinske dozvole su:

a) Energetika

1. Pogoni za sagorijevanje snage 1 do 10 MW,
2. Površinsko skladištenje fosilnih goriva sa skladišnim kapacitetom od 10.000 do 50.000 t,
3. Hidroelektrane sa instaliranom snagom manjom od 1 MW,
4. Industrijsko briketiranje uglja i lignita sa kapacitetom od 5.000 do 25.000 t,
5. Postrojenja za iskorištavanje pogonske snage vjetra za proizvodnju energije (vjetrenjače) sa snagom ispod 2 MW,
6. Motori sa unutarnjim sagorijevanjem sa snagom od 0,5 do 2 MW,
7. Površinska i podzemna skladišta nafte, naftnih derivata i plina zapremine ispod 5.000 t,
8. Izgradnja nadzemnih električnih vodova sa voltažom od 10 do 110 kv.

b) Hemijska industrija

1. Obrada hemijskih međuproizvoda sa kapacitetom obrade od 2.000 do 10.000 t/god.,
2. Proizvodnja hemikalija sa proizvodnim kapacitetom od 1.000 do 5.000 t/god.,
3. Skladišta hemijskih proizvoda sa kapacitetom od 1.000 do 10.000 t,
4. Pogoni za proizvodnju preparata za zaštitno farbanje, lakova, mastila i adheziva, kada se organski rastvarači koriste u količinama od 50 do 200 t/god.,
5. Pogoni za proizvodnju agenasa za pranje i sapuna sa proizvodnim kapacitetom od 1.000 do 15.000 t/god.,
6. Proizvodnja boja i lakova, elastomera i peroksida sa proizvodnim kapacitetom od 1.000 do 5.000 t/god.,
7. Proizvodnja i prerada proizvoda na bazi elastomera sa kapacitetom od 1.000 do 50.000 t/god.,
8. Pogoni za površinsku obradu supstanci, predmeta ili proizvoda uz korištenje organskih rastvarača, posebno za obogaćivanje rude, štampanje, zaštitno premazivanje, odmašči-

vanje, vodootpornost, sortiranje, farbanje, čišćenje ili impregniranje sa konzumnim kapacitetom od 10 do 50 kg/h ili od 25 do 75 t/god.

c) Metalna industrija

1. Pogoni crne metalurgije sa kapacitetom prerade od 5.000 do 50.000 t/god.:
 - tople i hladne valjaonice,
 - kovačnice sa čekićima,
 - nanošenje zaštitnih fuznih metalnih presvlaka,
2. Postrojenja za obojenu metalurgiju sa kapacitetom prerade od 5.000 do 25.000 t/god.:
 - tople i hladne valjaonice,
 - kovačnice sa čekićima,
 - nanošenje zaštitnih fuznih metalnih presvlaka,
3. Livnice crnih metala sa kapacitetom prerade od 2.000 do 10.000 t/god.,
4. Postrojenja za topljenje, uključujući i legure obojenih metala, izuzev plemenitih metala, uključujući povrat proizvoda (rafiniranje, livenje i sl.) sa kapacitetom topljenja od 500 do 2.500 t/god. za olovo i kadmij ili 2.000 do 10.000 t/god. za sve ostale metale,
5. Postrojenja za površinsku obradu metala i plastičnih materijala uz korištenje elektrolitskih ili hemijskih procesa uz upotrebu premaza od 200 do 1.000 t/god., a u slučaju toplog galvaniziranja metalnih površina, uz upotrebu premaza od 500 do 3.000 t/god.,
6. Valjaonice za toplo i hladno valjanje sa kapacitetom od 2.000 do 10.000 t/god.,
7. Kovačnice sa kapacitetom od 2.000 do 10.000 t/god.,
8. Nanošenje stopljenih zaštitnih metalnih presvlaka sa kapacitetom prerade od 1.000 do 5.000 t/god.,
9. Pogoni za površinsku obradu metala i plastičnih materijala gdje se koriste elektrolitski ili hemijski procesi i gdje je zapremina posuda za obradu od 2 do 10 m³.

d) Mineralna industrija

1. Pogoni za ekstrakciju azbesta i za preradu i transformaciju azbesta i proizvoda koji sadrže azbest:
 - za proizvode od azbestnog cementa sa proizvodnjom od 1.000 do 5.000 t/god. gotovih proizvoda,

- za frakcione materijale sa proizvodnjom od 1 do 5 t/god. gotovih proizvoda,
- za ostale upotrebe azbesta, sa korištenjem od 5 do 25 t/god.,

2. Pogoni za proizvodnju vještačkih mineralnih vlakana sa proizvodnim kapacitetom od 5.000 do 25.000 t/god.,
3. Pogoni za proizvodnju stakla, uključujući staklenu vunu sa proizvodnim kapacitetom od 5 do 20 t/d,
4. Pogoni za topljenje mineralnih supstanci, uključujući proizvodnju mineralnih vlakana sa proizvodnim kapacitetom od 2 do 10 t/d,
5. Pogoni za proizvodnju keramičkih proizvoda pečenjem, posebno krovnih crepova, cigli, vatrostalne cigle, crepova, lončarske robe od kremenaste gline ili porcelana sa proizvodnim kapacitetom od 5 do 30 t/d, i/ili sa kapacitetom peći od 1 do 2 m³ i sa gustinom po peći od 100 do 300 kg/ m³,
6. Pogoni za proizvodnju betona i građevinskog materijala uz korištenje cementa sa kapacitetom od 10 do 100 m³/h,
7. Pogoni za proizvodnju ili topljenje asfalta, katrana i bitumena sa proizvodnim kapacitetom od 25 t/h.

e) Infrastrukturni projekti

1. Izgradnja:
 - aerodroma namijenjenih slijetanju i polijetanju zrakoplova i helikoptera sa kapacitetom ispod 5,7 t,
 - izgradnja ili produženje pisti sa osnovnom dužinom ispod 500 m,
2. Izgradnja novih putova:
 - regionalnih putova,
 - lokalnih putova od 1 do 2 km neprekidne dužine,
3. Proširenje postojećeg puta sa dvije ili manje traka kako bi se dobilo četiri ili više traka, gdje bi novi put ili ponovno označeni i/ili prošireni dio puta bio dug ispod 10 km stalne dužine,
4. Projekti industrijskog razvoja na području od 2,5 do 5 ha,
5. Projekti urbanog razvoja, uključujući izgradnju trgovačkih centara i parkirališta na području od 2,5 do 5 ha ili od 350 do 750 mjesta za parkiranje,

6. Podzemne garaže sa prirodnom ili vještačkom ventilacijom sa više od 50 mjesta,
 - 200 do 2.000 mjesta za svinje (preko 30 kg) ili
 - 100 do 700 mjesta za krmače,
7. Cjevovodi za prijenos plina, nafte ili hemikalija sa prečnikom od 150 do 500 mm,
 - 100 do 500 mjesta za krupnu stoku,
8. Brane i ostali objekti za zadržavanje ili skladištenje vode na dulje razdoblje, gdje je nova ili dodata količina vode koja se zadržava ili skladišti manja od 1 miliona m³.

f) Upravljanje otpadom

1. Pogoni za obradu i odlaganje otpada:
 - pogoni za biološku i fizičko-hemijsku obradu neopasnog otpada s ciljem daljnjeg odlaganja sa kapacitetom od 2 do 10 t/d,
 - deponije koje primaju ispod 5 t dnevno ili sa ukupnim kapacitetom od 2.000 do 10.000 t, izuzev deponija inertnog otpada,
 - deponije inertnog otpada sa kapacitetom od 10.000 do 100.000 m³ ukupne zapremine ili površinom od 0,5 do 2 ha,
2. Lokacije za odlaganje šljake sa ukupnim kapacitetom od 2.000 do 10.000 t,
3. Skladištenje otpadaka od željeza, uključujući automobilske olupine, sa kapacitetom od 1.000 do 10.000 t/god.

g) Ekstraktivna industrija

1. Kamenolomi i otvoreni kopovi gdje je površina lokacije ispod 2,5 ha (čvrste stijene, šljunak, pijesak, mrki ugalj, treset, vlažni proces razaranja šljunka) i ekstrakcija minerala fluvijalnim vađenjem mulja na području ispod 2,5 ha,
2. Duboke bušotine sa dubinom od 100 do 500 m,
3. Rudarstvo na otvorenim kopovima (kao što su metalne rude, boksit ...) sa kapacitetom 10.000 do 50.000 t/god.,
4. Eksploatacija gline, šljunka i pijeska sa kapacitetom od 20.000 do 100.000 m³/god.,
5. Pogoni za drobljenje kamena i separaciju kamenih frakcija.

h) Poljoprivreda i šumarstvo

1. Pogoni za intenzivan uzgoj živine, svinja i krupne stoke sa:
 - 4.000 do 60.000 mjesta za brojlere,
 - 3.000 do 40.000 mjesta za kokoške,

i) Prehrambena industrija

1. Proizvodnja biljnih i životinjskih masti i ulja sa proizvodnim kapacitetom od 2.000 do 20.000 t/god.,
2. Pakovanje i konzerviranje biljnih i životinjskih proizvoda sa proizvodnim kapacitetom od 2.000 do 20.000 t/god.,
3. Proizvodnja slatkiša i sirupa sa proizvodnim kapacitetom od 1.000 do 25.000 t/god.,
4. Tvornice ribljeg brašna i ulja sa proizvodnim kapacitetom od 1.000 do 10.000 t/god.,
5. Klaonice i industrijske klaonice sa proizvodnim kapacitetom trupala do 10 t/d,
6. Tretiranje i prerada namijenjena proizvodnji prehrambenih proizvoda iz životinjskih sirovina (osim mlijeka) sa proizvodnim kapacitetom finalnih proizvoda od 5 do 25 t/d,
7. Tretiranje i prerada namijenjena proizvodnji prehrambenih proizvoda iz biljnih sirovina sa proizvodnim kapacitetom gotovih proizvoda od 20 do 100 t/d (srednja vrijednost na tromjesečnoj osnovi),
8. Proizvodnja i rafiniranje šećera ili proizvodnja skroba sa proizvodnim kapacitetom od 2 do 10 t/d (srednja vrijednost na tromjesečnoj osnovi),
9. Obrada i prerada mlijeka sa količinom mlijeka koja se prima između 5 i 25 t/d (srednja vrijednost na godišnjoj osnovi),
10. Pivare sa proizvodnim kapacitetom od 100 do 500 hl/d.

j) Tekstilna, kožarska, drvna i papirna industrija

1. Postrojenja za predobradu (pranje, bijeljenje, mercerizaciju) ili bojenje vlakana ili tekstila sa kapacitetom prerade od 1 do 3 t/d,
2. Pilane i pogoni za proizvodnju drveta, furnira i šperploče sa proizvodnim kapacitetom od 1.000 do 15.000 m³/god.,

3. Pogoni za proizvodnju iverice i briketa sa proizvodnim kapacitetom od 1.000 do 15.000 m³/god.,
4. Postrojenja za štavljenje krupne i sitne kože sa kapacitetom prerade od 200 do 1.000 t/god.

k) Turizam i zabava

1. Ski-staze, ski-liftovi i žičare do 2 km i prateći objekti sa površinom do 5 ha,
2. Odmarališta i hotelski kompleksi izvan urbanih područja i prateći objekti sa površinom od 1 do 5 ha,
3. Stalni kampovi izvan urbanih područja sa 100 do 500 mjesta.

l) Upravljanje vodama

1. Postrojenja za preradu otpadne vode sa kapacitetom manjim od 10.000 e.s. (ekvivalentni stanovnik).

m) Industrija gume

1. Proizvodnja i prerada na bazi elastomera i gume sa kapacitetom od 1.000 do 10.000 t/g.

Član 5.

Ministarstvo izdaje okolinsku dozvolu za sve pogone i postrojenja, uključujući skladišta u kojima su opasne supstance prisutne u količinama utvrđenim u članu 6. i članu 7. ovog pravilnika.

Mješavina i preparati prisutni u postrojenjima ili skladištima bit će tretirani na isti način kao i čiste supstance pod uvjetom da ostaju u okviru granica koncentracija koje su određene na temelju njihovih osnova u članu 7. ovog pravilnika.

Kada supstance ili skupine supstanci navedene u članu 6. ovog pravilnika spadaju u kategorije opasnosti navedene u članu 7. ovog pravilnika, za izdavanje okolinske dozvole primjenjuju se granične količine određene u članu 7. ovog pravilnika.

Član 6.

Granične količine opasnih supstanci su:

1. Amonijnitrat u količinama od 100 do 350 t,
2. Amonijnitrat (u formi đubriva) u količinama od 250 do 1.250 t,
3. Arsenpentoksid, arsenična (V) kiselina i/ili soli u količinama od 0,2 do 1 t,
4. Brom u količinama od 5 do 20 t,
5. Hlor u količinama od 2 do 10 t,

6. Etilenamin u količinama od 2 do 10 t,
7. Fluor u količinama od 2 do 10 t,
8. Formaldehid (koncentracija jednaka ili veća od 90%) u količinama od 1 do 5 t,
9. Hidrogen u količinama od 1 do 5 t,
10. Hidrogenhlorid (tečni gas) u količinama od 5 do 25 t,
11. Alkili olova u količinama od 1 do 5 t,
12. Tečni, izuzetno zapaljivi gasovi (uključujući LPG) i prirodni gas u količinama od 10 do 50 t,
13. Acetilen u količinama od 1 do 5 t,
14. Etilenoksid u količinama od 1 do 5 t,
15. Propilenoksid u količinama od 1 do 5 t,
16. Metanol u količinama od 100 do 500 t,
17. Kiseonik u količinama od 50 do 200 t,
18. Toluendiizocijanat u količinama od 2 do 10 t,
19. Karbonildihlorid (fozgen) u količinama od 0,05 do 0,3 t,
20. Arsenetrihlorid (arsin) u količinama od 0,05 do 0,2 t,
21. Fosfortrihlorid (fosfin) u količinama od 0,05 do 0,2 t,
22. Sumpordihlorid u količinama od 0,2 do 1 t,
23. Sumportrioksid u količinama od 3 do 15 t,
24. Slijedeće kancerogene supstance u količinama ispod 0,001 t:
 - 4-aminobifenil i/ili njegove soli,
 - benzidin i/ili soli,
 - bis (hlorometil) eter,
 - hlorometilmetileter,
 - dimetilkarbamilhlorid,
 - dimetilnitrozamin,
 - heksametilfodfortriamid,
 - 2-naftilamin i/ili soli,
 - 1,3-propansulfon,
 - 4-nitrodifenil,
25. Automobilski benzin i derivati u količinama od 500 do 5.000 t.

Član 7.

Granične količine opasnih supstanci prema kategorijama opasnosti, a koje nisu navedene u članu 6. ovog pravilnika, su:

1. Veoma otrovne u količinama od 1 do 5 t,
2. Otrovne u količinama od 10 do 50 t,
3. Oksidirajuće u količinama od 10 do 50 t,
4. Eksplozivni (supstance i preparati koji izazivaju rizik od eksplozije usljed udara, trenja, vatre ili

- drugih izvora paljenja) u količinama od 10 do 50 t,
5. Eksplozivni (supstance i preparati koji izazivaju izuzetan rizik od eksplozije usljed udara, trenja, vatre ili drugih izvora paljenja) u količinama od 2 do 10 t,
 6. Zapaljive tečne supstance i preparati čija je temperatura paljenja ista ili veća od 21°C i manja ili jednaka 55°C u količinama od 500 do 5.000 t,
 7. Veoma zapaljive tečnosti (supstance i preparati koji postaju vrela i pale se u dodiru sa zrakom na sobnoj temperaturi bez dodavanja energije i supstance čija je temperatura paljenja niža od 55°C i koje ostaju u tečnom stanju pod pritiskom, ali gdje određeni uvjeti prerade kao što je visok pritisak ili visoka temperatura mogu izazvati opasnost od pojave nesreća većih razmjera) u količinama od 10 do 50 t,
 8. Veoma zapaljive tečnosti (supstance i preparati čija je temperatura paljenja niža od 21°C i koji nisu izuzetno zapaljivi) u količinama od 500 do 5.000 t,
 9. Izuzetno zapaljive tečnosti i plinovi (tečne supstance i preparati čija je temperatura paljenja niža od 0°C i tačka ključanja na normalnom pritisku niža ili jednaka 35°C, tečne supstance koje se održavaju na temperaturi iznad njihove tačke ključanja, plinovite supstance i preparati koji su zapaljivi u dodiru sa zrakom na sobnoj temperaturi i pritisku, bez obzira da li pod pritiskom ostaju u plinovitom ili tečnom stanju) u količinama od 2 do 10 t,
 10. Supstance opasne po okoliš u kombinaciji sa supstancama veoma toksičnim za akvatične organizme, u količinama od 50 do 200 t,
 11. Supstance opasne po okoliš u kombinaciji sa supstancama toksičnim za akvatične organizme i supstancama koje prouzrokuju dugotrajne negativne efekte u vodnim ekosistemima, u količinama od 100 do 500 t,
 12. Bilo koja klasifikacija koja nije uključena u gore navedenim kategorijama u kombinaciji sa supstancama koje burno reaguju sa vodom, u količinama od 20 do 100 t,
 13. Bilo koja klasifikacija koja nije uključena u gore navedenim kategorijama u kombinaciji sa supstancama koje u kontaktu sa vodom oslobađaju toksične plinove, u količinama od 10 do 50 t.

Član 8.

Nadležna općinska služba ne može izdati urbanističku saglasnost ili druge neophodne suglasnosti za projekte za koje je neophodno izdavanje okolinske dozvole ukoliko uz zahtjev nije dostavljena okolinska dozvola.

Općinska služba nadležna za izdavanje urbanističke saglasnosti obavezna je dostaviti primjerak istog rješenja o urbanističkoj saglasnosti Ministarstvu radi ostvarivanja nadzora nad primjenom uvjeta utvrđenih okolinskom dozvolom.

Općinska služba nadležna za izdavanje odobrenja za rad pogona i postrojenja propisanih ovim pravilnikom ne može izdati odobrenje za rad ukoliko za te pogone i postrojenja nije izdana okolinska dozvola.

Član 9.

Za pogone i postrojenja iz člana 4. ovog pravilnika za koje su izdane dozvole prije stupanja na snagu Zakona o zaštiti okoliša ("Službene novine Federacije BiH", broj 33/03) moraju se podnijeti zahtjevi za izdavanje okolinske dozvole najkasnije do 2008. godine.

III - POGONI I POSTROJENJA I OSTALE PLANIRANE AKTIVNOSTI ZA KOJE SE NE IZDAJE OKOLINSKA DOZVOLA

Član 10.

Za pogone i postrojenja i ostale planirane aktivnosti koji nisu navedeni u članu 4, 6. i 7. ovog pravilnika i pogone i postrojenja koji nisu navedeni ovim pravilnikom ne izdaje se okolinska dozvola.

Za pogone i postrojenja i ostale planirane aktivnosti za koje nije potrebno pribavljanje okolinske dozvole, Ministarstvo odnosno nadležna općinska služba u postupku izdavanja urbanističke saglasnosti utvrđuje okolinske uvjete za zaštitu okoliša u skladu sa članom 67. stav 1. Zakona o zaštiti okoliša ("Službene novine Federacije BiH", broj 33/03) i ostalim važećim propisima iz oblasti zaštite okoliša.

IV - PODNOŠENJE ZAHTJEVA ZA IZDAVANJE OKOLINSKE DOZVOLE

Član 11.

U skladu sa članom 2. i članom 3. ovog pravilnika, za pogone i postrojenja i ostale planirane aktivnosti za koje je obavezno pribavljanje okolinske dozvole, zahtjev za izdavanje okolinske dozvole podnosi se Ministarstvu.

PRAVILNIK
O NAČINU, UVJETIMA I VISINI
NAKNADA PROVOĐENJA ISPITA ZA
STJECANJE LICENCE PREDAVAČA
TEORETSKE NASTAVE, LICENCE
ISPITIVAČA IZ TEORETSKOG DIJELA
ISPITA I ISPITIVAČA IZ UPRAVLJANJA
MOTORNIM VOZILOM

Član 1.
(Opće odredbe)

Ovim pravilnikom propisuju se i preciziraju način, uvjeti i visina naknada provođenja ispita za stjecanje licence predavača teoretske nastave, ispitivača iz teoretskog dijela ispita i ispitivača iz upravljanja motornim vozilom u skladu s Pravilnikom o uvjetima i načinu dobijanja licence ("Službeni glasnik BiH", broj 12/07).

Član 2.
(Javni poziv)

Ministar obrazovanja, nauke, kulture i sporta (u daljem tekstu: ministar) u toku jedne kalendarske godine objavljuje po potrebi, a najmanje jedanput, javni poziv za dobijanje licence iz člana 1. ovog pravilnika.

Javni poziv iz prethodnog stava sadrži:

- uvjete koje kandidat treba ispunjavati za dobijanje svake pojedinačne licence;
- popis oblasti iz kojih se održava pripremna nastava i ispit;
- naknadu za polaganje po ispitu iz jedne oblasti, mjesto i vrijeme održavanja pripremne nastave i ispita;
- dokumentaciju koju je kandidat dužan priložiti uz prijavu;
- adresu na kojoj se mogu izvršiti prijave na javni poziv;
- rok do kojeg se može izvršiti prijava.

Prijave na javni poziv obavljaju se na propisanom obrascu koji se, zajedno s obaveznom dokumentacijom, u zatvorenoj kovrti s naznakom "Prijava na javni poziv za licenciranje—ne otvaraj" dostavljaju na adresu Ministarstva obrazovanja, nauke, kulture i sporta (u daljem tekstu: Ministarstvo).

Član 3.
(Procedura po javnom pozivu)

Provođenje procedure vezane za provođenje javnog poziva iz člana 2. ovog pravilnika je u nadležnosti Ministarstva.

Po isteku roka za prijavu Ministarstvo vrši otvaranje pristiglih koverata i utvrđuje da li kandidat ispunjava uvjete utvrđene javnim pozivom. Kandidat koji ne ispunjava uvjete pismeno se obavještava o tome, uz navođenje uvjeta koje ne ispunjava, odnosno o čijem ispunjavanju nije dostavio odgovarajuće dokaze.

Član 4.
(Pripremna nastava)

Ministarstvo za kandidate koji ispunjavaju uvjete za polaganje ispita za neku od licenci obavezno organizira pripremnu nastavu u trajanju od 10 sati u skladu s Planom i programom koji je prilog 3. uz Pravilnik o uvjetima i načinu dobijanja licence.

O održavanju pripremne nastave vodi se dnevnik.

Kandidati su obavezni prisustvovati pripremnoj nastavi iz oblasti koje su obavezni polagati u skladu sa članovima 14, 15. i 16. Pravilnika o uvjetima i načinu dobijanja licence, a o prisutnosti pripremnoj nastavi Ministarstvo kandidatu izdaje potvrdu na propisanom obrascu.

Član 5.
(Ispiti)

Ukoliko se kandidat prijavljuju za polaganje ispita za dobijanje više licenci, potrebno je da dostavi samo jedan komplet propisane dokumentacije iz javnog poziva, a u obrascu prijave treba naznačiti za koje licence aplicira.

Za ispite koji su identični za dobijanje više licenci kandidat uplaćuje samo jedan iznos utvrđen članom 9. ovog pravilnika, pohađa pripremnu nastavu i polaže ispit samo jednom.

Položeni ispit se priznaje prilikom polaganja za stjecanje druge licence.

Član 6.
(Ispitna komisija)

Ispit za dobijanje licence polaže se pred ispitnom komisijom koju imenuje ministar posebnim rješenjem, pri čemu je broj članova i stručni sastav komisije obavezno u skladu sa članom 11. Pravilnika o uvjetima i načinu za dobijanje licence.

Naknadu za rad predsjednika i članova ispitne komisije određuje ministar posebnim aktom.

Član 7.
(Zapisnik o ispitu)

O polaganju ispita vodi se zapisnik na propisanom obrascu.

Testovni listić je prilog zapisnika i čini njegov sastavni dio.

Na ispitu koji se polaže usmeno kandidati izvlače karticu sa odgovarajućim brojem pitanja:

- a) kartica iz poznavanja propisa o sigurnosti prometa na cestama sadrži četiri pitanja i
- b) kartica za usmeni dio ispita iz drugih oblasti sadrži tri pitanja.

Pitanja sadržana u kartici unose se u zapisnik.

Testovi za polaganje i kartice za usmeni dio ispita predstavljaju službenu tajnu.

Član 8.

Kandidat koji ne položi ispit iz poznavanja propisa o sigurnosti saobraćaja na cestama ne može pristupiti polaganju ispita iz ostalih oblasti i smatrat će se da nije položio ispit.

Kandidat koji položi ispit iz poznavanja propisa o sigurnosti saobraćaja na cestama, a ne položi ispit iz drugih oblasti koje je obavezno položiti u skladu sa članovima 14, 15. i 16. Pravilnika o uvjetima i načinu za dobivanja licence, može ponoviti polaganje ispita iz tih oblasti dva puta:

- a) prvi put petnaest (15) dana nakon održavanja ispita;
- b) drugi put trideset (30) dana nakon održavanja prvog popravnog ispita.

Kandidat koji ni nakon tri pokušaja ne položi pojedini ispit za dobijanje licence ima pravo pristupiti ponovnom polaganju ispita godinu dana nakon posljednjeg neuspješnog polaganja.

Kandidat koji nije zadovoljio na ispitu ima pravo na prigovor i žalbu u skladu sa članom 25. Pravilnika o uvjetima i načinu za dobijanje licence.

Član 9.

(Troškovi za polaganje ispita)

Naknada za polaganje ispita iz jedne oblasti, koji je kandidat za dobijanje odgovarajuće licence obavezan polagati u skladu sa članovima 14, 15. i 16. Pravilnika o uvjetima i načinu dobijanja licence, iznosi 150.00 KM (slovima: stotinu pedeset KM), a uključuje:

- a) pripremnu nastavu za polaganje;
- b) polaganje ispita prvi put;
- c) odgovarajući priručnik.

Kandidat je dužan prvo uplatiti naknadu za polaganje eliminatornog ispita iz poznavanja propisa o sigurnosti saobraćaja na putevima u

iznosu od 150.00 KM (slovima: stotinu pedeset KM).

Za svako polaganje popravnog ispita kandidat je dužan uplatiti naknadu od 100,00 KM (slovima: stotinu KM). Uplata naknada iz stava 1. i 2. ovog člana vrši se na depozitni račun budžeta USK-a za Ministarstvo obrazovanja, nauke, kulture i sporta USK-a sa naznakom: Uplata naknade za polaganje ispita za licenciranje.

Član 10.

(Izdavanje licenci)

Kandidatu koji je položio ispit za neku od licenci Ministarstvo izdaje uvjerenje o položenom ispitu na propisanom obrascu u roku od 30 (trideset) dana od dana polaganja ispita.

Na osnovu uvjerenja iz prethodnog stava ministar izdaje odgovarajuću licencu čiji je izgled i sadržaj propisan članovima 28. i 29. Pravilnika o uvjetima i načinu za dobivanje licence.

Licenca se izdaje na period važnosti od 5 (pet) godina, s pravom produženja važnosti.

O izdanim licencama Ministarstvo vodi poseban registar.

Član 11.

(Oduzimanje licence)

Ministar će oduzeti licencu imaocu u slučajevima:

- a) ako se utvrdi da je kandidat položio ispit na osnovu lažne isprave ili neistinitih navoda iz prijave;
- b) ako poslove za koje je licenciran obavlja na način protivno odredbama Zakona o osnovama sigurnosti saobraćaja na putevima u BiH i Pravilnika o uvjetima i načinu dobivanja licence;
- c) ako je kandidatu izrečena zaštitna mjera zabrane upravljanja motornim vozilom za vrijeme trajanja izrečene mjere.

Član 12.

(Propisani obrasci)

Izgled i sadržaj obrazaca iz člana 2, 4, 7. i 10. ovog pravilnika propisani su Pravilnikom o uvjetima i načinu dobijanja licence i isti su objavljeni kao prilozi navedenog pravilnika.

Član 13.

(Stupanje na snagu)

Ovaj pravilnik stupa na snagu danom donošenja i bit će objavljen u "Službenom glasniku USK-a".

408.

Općinski sud u Velikoj Kladuši po sutkinji Jahjefendić Samiri u pravnoj stvari tužitelja Džaferović Nurije, sina Hasana, Ul. Ahmeta Fetahagića bb, Velika Kladuša, protiv tuženih Mržljak Huseina, sina Ale, Zagrad, Velika Kladuša, i Dizdarević Fikreta, sina Zejfe, iz Velike Kladuše, radi utvrđenja vlasništva, vsp. 1.500,00 KM, van ročišta za raspravu dana 19. 10. 2007. godine izdao je

OGLAS**O POSTAVLJANJU PRIVREMENOG
ZASTUPNIKA**

Rješenjem ovog suda br. 023-0-P-07-000 185 od 19.10.2007. godine, na osnovu čl. 296. st. 1. i 2.

tačka 4. Zakona o parničnom postupku, u ovoj pravnoj stvari po tužbi tužitelja Džaferović Nurije, sina Huseina, radi utvrđenja vlasništva, tuženom Dizdarević Fikretu, sinu Zejfe, iz Velike Kladuše, sada nepoznatog boravišta, postavljen je privremeni zastupnik u osobi Abazović Huseina iz Velike Kladuše, Ul. Hašima Okanovića bb.

Istim rješenjem određeno je da će privremeni zastupnik zastupati tužene u postupku sve dok se tuženi ili njihovi punomoćnici ne pojave pred sudom, odnosno dok organ starateljstva ne obavijesti sud da je tuženima postavio staratelja.

Broj 023-0-P-07-000 185
19. oktobra 2007. godine
Velika Kladuša

Sutkinja
Samira Jahjefendić

S A D R Ž A J

382. Odluka broj 01-02-3-114/07	597	400. Rješenje o imenovanju privremenog Upravnog odbora JU Dječiji vrtić "Ljiljan" Ključ	604
383. Odluka broj 01-02-3-115/07	597		
384. Zaključak broj 01-02-4-116/07	598	401. Rješenje o imenovanju privremenog Upravnog odbora JU Dječiji vrtić "Hasnija Omanović" Cazin	604
385 - 387. Zaključci	598		
388. Uredba o dopunama Uredbe o Javnom žalbenom birou	599	402. Rješenje o imenovanju privremenog Upravnog odbora JU Dječiji vrtić Bosanski Petrovac	605
389. Odluka o rasporedu donacije neplanirane Budžetom za 2007. godinu	599		
390. Odluka o izmjeni Odluke o raspoređivanju sredstava iz Budžeta Unsko - sanskog kantona za 2007. godinu broj 03-017-143/2007 od 30. jula 2007. godine	600	403. Rješenje o imenovanju privremenog Upravnog odbora JU Dječiji vrtić "Krajiška radost" Sanski Most	605
391. Odluka broj 03-017-295/2007	600	404. Rješenje o imenovanju privremenog Upravnog odbora JU Dječiji vrtić Velika Kladuša	606
392. Odluka broj 03-017-296/2007	601		
393. Odluka o izmjeni Odluke o utvrđivanju platnih razreda i koeficijenata za plaće namještenika u kantonalnim organima državne službe	601	405. Rješenje o imenovanju privremenog Upravnog odbora JU Dječiji vrtić Bihać	606
394. Odluka broj 03-017-266/2007	602	406. Pravilnik o izdavanju okolinske dozvole za pogone i postrojenja i druge planirane aktivnosti koje mogu značajno uticati na okoliš	606
395 - 397. Rješenja o imenovanju stručnih timova	602		
398. Rješenje o imenovanju privremenog Školskog odbora JU OŠ "Sanica"	603	407. Pravilnik o načinu, uvjetima i visini naknada provođenja ispita za stjecanje licence predavača teoretske nastave, licence ispitivača iz teoretskog dijela ispita i ispitivača iz upravljanja motornim vozilom	612
399. Rješenje o imenovanju privremenog Upravnog odbora JU Dječije obdanište i Dom učenika Bosanska Krupa	603	408. Oglas o postavljanju privremenog zastupnika	615

OBAVJEŠTENJE

Obavještavamo pravna i fizička lica, dosadašnje pretplatnike, kao i lica koja žele da se pretplate za "Službeni glasnik Unsko-sanskog kantona" za ovu i narednu godinu, da godišnja pretplata iznosi 200,00 KM sa porezom, a može se izvršiti na račun broj 1290079402494455 u korist Budžeta USK-a, vrsta prihoda 722631, budžetska organizacija 2101001, identifikacijski broj 4263249630000.